

# **BOSTON COUNTS 2020**

## **Sobri Boston Counts 2020**

Boston Counts 2020 é un isforsu di Sidadi pa apoiâ un kontaji di populason igualitáriu y konpletu na próximu Resensiamentu di Stádus Unidus (U.S. Census). Nu sta bai trabadjâ pa garanti ki tudu rezidenti di Boston ta ser kontadu, pamodi tudu rezidenti di Boston ta kontâ.

## **Kuzé ki é Resensiamentu y pamodi ki el é inportanti**

Resensiamentu é un kistionáriu di tudu nasson, obrigatóriu pa konstituison, fetu di 10 en 10 anu pa U.S. Census Bureau (Divizon di Resensiamentu di Stádus Unidus) pa kontâ populason di Stádus Unidus. Infurmason di dadus rekodjedu pa Resensiamentu ta:

- **Determinâ nunbru di lugar na Kamara di Deputadus di Stádus Unidus (U.S. House of Representatives)** y ta influensiâ Kulejiu Ileitotal
- **Informâ divizon distrital**, definison di distritus di kongressu, distritus lejislativus di stadu, y distritus lokal di konselhus municipal pa próximus dez anu
- **Transfiri mas di 675 bilion di dola di fundu/verba federal** pa stádus y sidadis/munisipius

## **Kuzé ki nu sta trata li**

Grandi parti di fundus angariadu pa kontaji di Resensiamentu ta djudâ kes algén ku mas nessessidadi. Pur izenplu, el ta sirbi pa pagâ dispezas di familias di rendimentu baxu pa saúdi, skola, kumida y prugramas di nutrison, kaza y kuidadus di kriansas.

- Na Anu Fiscal di 2015, Massachusetts resebê 16 bilion di dola pa programas suma Medicaid, Medicare, SNAP, Section 8 Vouchers , Title 1 Education Grants, y Head Start
- Pa kada rezidenti ki ka for kontadu na MA, stadu ta perdê 2,372 dola di kel verba

Resensiamentu ten un grandi inpaktu na servisus ki Boston y ses arias di morada ta resebê. É pur issu ki nu ten un nessessidadi absolutu di fazê un kontaji igualitáriu y konpletu.

## **Perguntas ki ta fazedu txeu**

### **Ken ki ta kontadu?**

Tudu algén debi ser kontadu. Sen kontâ bu statutu di imigrason, seguransa di abitason, idadi, rassa o kapasidadi, **bu ta kontâ igual na nos demokrasia, y nu ten ki ten serteza ki bu ta ser kontadu.**

### **Na undê ki N debê ser kontadu?**

Na lugar undê ki bu ta morâ y durmi na maior parti di tenpu, na dia o pertu di Dia di Resensiamentu, ki é dia 1 di Abril di 2020.



Mayor Martin J. Walsh

Pa mas informason vizita  
[boston.gov/2020-census](https://boston.gov/2020-census) o kontatâ:  
[Sebastian.Zapata@boston.gov](mailto:Sebastian.Zapata@boston.gov), 617-635-4478

# **BOSTON COUNTS 2020**

## **Modi ki N ta respondê?**

Na Marsu di 2020, bu ta resebê un postal konviti di Divizon di Resensiamentu (Census Bureau) ku instrusions sobri manera di prienxê bu formuláriu. Pa primeru bez, bu podê respondê Resensiamentu pa internet o pa telefoni, y na 12 lingua diferenti.

## **Nha infurmason ta ser uzadu ku otus di fora?**

Nau. Tudu dadus di Resensiamentu ta ser protejedu pa lei federal y bu infurmason pessoal ka podi ser uzadu kontra bô pa ninhun ajênsia di governu nen pa tribunal.

## **Kuzê ki ta kontisê si N ka kompletâ Resensiamentu?**

Un formuláriu inkompletu di Resensiamentu podi rezultâ na un vizita di un funsionáriu di Resensiamentu na bu kaza. Tudu funsionáriu di Resensiamentu ta identifikâ ses pessoa di manera klaru, es ta mostrâ ses kraxâ ofisial di Divizon di Resensiamentu, y nunka es ka ta pidi pa bu dâ bu nunbru di seguransa social o di konta di banku, nen ninhun infurmason di karton di kréditu.

## **Kuzê ki é un Projetu di Kontaji Difísil?**

Populasons Difísil di Kontâ ta txomadu Projetus ku persentaji di devoluson di kartas na 2010 di 73% o menus (abaixu di 20 pursentu di persentaji di devoluson pa nasson interu). Boston ten un nunbru total di pessoas na Projetus di Kontaji Difísil (*Hard to Count Tracts*) mas txeu na Massachusetts (pertu di 415,000 o 63% di total di pessoas na 2014).

Populasons partikularmenti difísil di ser kontadu ta inkluí:

- Pessoas ki ta vivê na “grupus di kamaratas”: dormitórios di kuléjius/universidadis, sentrus rezidensial pa tratamentu, lar di gentis grandi (nursing homes), etc.
- Pessoas ki ta morâ na kaza rendadu o kes ki ta muda di kaza txeu
- Imigrantis ki txiga ten poku tenpu
- Populasons ki ka ta papiâ Inglês o ki ta papiâ un bokadinhu só di Inglês
- Kriansas ku menus di sinku anu di idadi
- Pessoas ki ten rendimentu baxu o ki ten menus skola

## **Modi ki N podi djudâ?**

Fazê parti di un Subkumité di Kontaji Konpletu (Complete Count Subcommittee). Kes subkumités li ta uzâ kunhesimentus, influênsias y rekursus di arias di morada, pa inxinâ kumunidadis y promovê Resensiamentu atrvés di isforsus sentradu lokalmenti y es sabi undi ki es mestedu dentu di ses kumunidade.

Nos populason sta senpri ta mudâ y el é spesialmenti difísil di ser kontadu. É pur issu ki **Boston ta dependê di tudu algén pa partisipâ y ser kontadu pa Resensiamentu podi mostrâ ku presizon divesidadi di populasons ki ta txoma nos sidadi sês kaza.**



Mayor Martin J. Walsh

Pa mas informason vizita  
boston.gov/2020-census o kontatâ:  
Sebastian.Zapata@boston.gov, 617-635-4478